

Fiche 02-i Tshe ishi-mashinaitshenanut

Ne tshekuan iapashtakanit tshetshi mashinataikanit innu-aimun kapapeikushteshiti ishinikatakanua *alphabet latin* kie ashit ishinikatakanua *alphabet romain*. Mitshet innu-aimuna ute Uepishtikueiau-assit apashtauat nenua kapapeikushteshiniti, kutakat nenua apashtauat eshinikateniti *syllabaires*¹ miam anitshenat uapamekushtikunnuat, mishtashiniunnuat, ush-uinipekunnuat mak anitshenat, puatshishaimunnuat mak aissimeuat mate.

Neni kapapeikushteshiti iapashtakaniti anite innu-aimunit : a, e, h, i, k, m, n(ń²), p, s, t, u (u)

Kassinu anite aimunit, nanitam takuana e aituenanut anite aiminanuti. Tshipa tshi animiunanu ui peikutau itashtakaniti aimun, ne mitshetuait e aituenanut. Apu mitsheki neni innu-aimuna peikuit eshi-mashinataikaniti, kassinu anite peikutau tshetshi ishi-mashinaitshenanut.

Shash kushtikuan tshetshi unitakanit innu-aimun. Tshetshi kanuenitakanit, tshipa ui mashinataikanu, tanite muk^u aiminanuipan ueshkat. Shash an ishinakuanipan tshetshi tutakanit. Tshetshi kanuenitakanit innu-aimun kie tshetshi mashinataikanit, uemut takuanipan tshetshi nishtutatunanut tshetshi peikutau itashtakanit meshinaitshenanuti.

Innu-aimun peikutau itashtakanu kie shash anu nishtunnuqipuna, kassinu neni innu-assit muk^u anite Mashteuiatsh apu peikutau itashtakanit.

¹ Ne tshekuan iapashtakanit meshinaitshenanuti, apu ne muk^u peik^u kapapeikushteshit petakuak anite mitshet neni ka mamushteuani pietakuaki. Natshi-uapatamik^u

anite <http://www.larousse.fr/dictionnaires/francais/syllabaire/76022#z5jCMvHcaitSbhlA.99>

² Ne ń anite ka takuana aimunit ka atatsheikanua, uitakanu an ne kapapeikushteshit n ishi-uitakanu l anite passe innu-assit.